

Na osnovu Odluke Vlade Bosansko - podrinjskog kantona Goražde broj: 03-14-960/17 od 15.06.2017.godine, o davanju saglasnosti na Programa utroška sredstava „Program unaprijeđenja usluga javnih komunalnih preduzeća u Bosansko–podrinjskom kantonu Goražde“ utvrđenog na ekonomskom kodu 614400(HAP 001)–Subvencije javnim preduzećima Ministarstva za privredu za 2017.godinu, Ministarstvo za privredu Bosansko-podrinjskog kantona Goražde **o b j a v l j u j e**:

## JAVNI POZIV

*za odabir korisnika sredstava po Programu utroška sredstava „Program unaprijeđenja usluga javnih komunalnih preduzeća u Bosansko-podrinjskom kantonu Goražde“ utvrđenih u budžetu Ministarstva za privredu Bosansko-podrinjskog kantona Goražde za 2017.godinu*

### I PREDMET NATJEČAJA

Predmet javnog poziva je prikupljanje zahtjeva-projekata za raspodjelu grant sredstava po Programu utroška sredstava „Program unaprijeđenja usluga javnih komunalnih preduzeća u Bosansko–podrinjskom kantonu Goražde“ za 2017.godinu, utvrđenih u budžetu Ministarstva za privredu Bosansko-podrinjskog kantona Goražde ne ekonomskom kodu 614400 (HAP 001)-Subvencije javnim preduzećima, na koji je Vlada Bosansko-podrinjskog kantona Goražde dala saglasnost svojom Odlukom broj: 03-14-960/17 od 15.06.2017.godine.

### II CILJEVI I APLIKANTI

Aplikanti mogu podnijeti aplikacije-Zahtjeve i Projekte za ostvarivanje subvencija po ovom programu za dva specifična cilja:

- podrška u nabavci prioritetne opreme za potrebe pružanja komunalnih usluga;
- podrška u sanaciji opreme koja se koristi u procesu proizvodnje pitke vode.

Prvi poseban cilj je osiguranje podrške komunalnim preduzećima u nabavci prioritetne opreme koja je neophodna za pružanje komunalnih usluga (odvoz komunalnog otpada, sanacija kanalizacione mreže i drugo) bez koje komunalna preduzeća ne mogu osigurati pružanje komunalnih usluga.

Program za 2017. godinu je prioritetno fokusiran na podršku javnim komunalnim preduzećima sa područja Općina Foča u FBiH i Pale u FBiH.

Drugi poseban cilj programa je pružanje podrške komunalnim preduzećima u sanaciji opreme u proizvodnji pitke vode koja se nalazi u takvom stanju da bez njene popravke može doći do problema u stabilnom vodosnabdjevanju korisnika. U okviru drugog posebnog cilja nastoji se poboljšati stanje tehničko-tehnološke osposobljenosti komunalnih preduzeća kod proizvodnje pitke vode, završavanjem i nabavkom druge prateće opreme kod proizvodnje pitke vode kao što su pripadajući cjevovodi sa ventilima, mjerni instrumenti i druga mašinska i elektro neophodna oprema.

### III POTREBNA SREDSTVA

Potrebna sredstva za provođenje Programa iznosi **20.000,00 KM**.

Minimalni i maksimalni iznos granta za finansiranje ili sufinansiranje projekata iz sredstava ovog programa su definisani u rasponu za svaki specifični cilj, kako je prikazano u tabeli.

Rbr	Poseban cilj	Ukupan budžet po komponenti	Minimalan iznos granta	Maksimalan iznos granta
1.	Podrška u nabavci prioritetne opreme za potrebe vodosnabdjevanja	20.000 KM	5.000	10.000 KM
2.	Podrška u sanaciji druge opreme u procesu proizvodnje pitke vode	0	0	0

## **IV KRITERIJI ZA RASPODJELU SREDSTAVA**

### **Opšti uslovi za učesče u programu:**

- da je registrovano kao javno preduzeće u skladu sa odredbama Zakona o Javnim preduzećima (Sl.novine FBiH, broj:08/05 i 81/08)
- da ima registraciju i sjedište na prostoru Bosansko-podrinjskog kantona Goražde,
- da se ne nalaze u procesu stečaja ili likvidacije ili blokade računa,
- da je registrovano minimalno 2 godine od dana podnošenja zahtjeva za učestvovanje u programu,

### **Prioriteti i posebni uslovi :**

Osnovni prioritet ovog Programa je održivo pružanje usluga javnih komunalnih preduzeća i aktivnosti koje doprinose njegovom ostvarivanju.

- da su namjenski utrošili sredstva odobrena od strane Vlade Bosansko-podrinjskog kantona u periodu od protekle tri godine, ukoliko im je takva pomoć dodjeljena,
- da su ispunili ugovorene obaveze po odobrenim grantovima Vlade Bosansko-podrinjskog kantona Goražde, ukoliko su ih dobili u zadnje tri budžetske godine,
- da imaju saglasnost jedinica lokalne samouprave za provođenje aktivnosti predviđenim projektom ili tražene zahtjevom.

### **Finansijski kriteriji za evaluacije projekata i zahtjeva:**

Prioritetne aktivnosti i mjere su aktivnosti koje se odnose na:

- opremu koja će se nabaviti za pružanje komunalnih usluga za više od 500 korisnika;
- nabavku ostale opreme za potrebe vošnabdjevanja.

### **Finansijski kriteriji**

Finansijski kriteriji se primjenju za ocjenu budžeta i troškovne efikasnosti predloženih aktivnosti.

Za ocjenjivanje odnosa planiranih troškova i očekivanih rezultata, te adekvatnosti i efikasnosti i ekonomičnosti aktivnosti, primjenjivaće se slijedeći finansijski kriteriji:

- odnos visine tražene podrške u odnosu na broj korisnika usluga koji će biti obuhvaćeni podrškom,
- odnos tražene podrške u ukupnim troškovima koja je neophodna za dugoročno i održivo rješavanje problema,
- adekvatno učesče aplikanta u finansiranju troškova projekta.

## **V PRAVO UČEŠĆA**

Pravo učesča za korištenje sredstava imaju:

Javna komunalna preduzeća sa područja Općine Foča u FBiH i Općine Pale u FBiH, koja obavljaju registrovanu djelatnost koja je predmet javnog poziva.

## **VI. OBAVEZNI PRILOZI**

Uz zahtjev sa projektom obavezni prilozi su:

- Sudsko rješenje o registraciji sa svim pojedinačnim prilozima;
- Uvjerenje o izmirenim obavezama od poreske uprave ili sporazum o reprogramu obaveza od poreske uprave;
- Uvjerenje o izmirenju obaveza PIO/MIO sa podacima o broju prijavljenih radnika;
- Uvjerenje da odgovorna osoba u posljednjih 5 godina nije osuđivana u sudskom postupku za kršenje zakona u smislu poslovnog ponašanja;
- Uvjerenje da nije pred stečajem ili likvidacijom;
- Izvještaj o finansijskom osiguranju (bilans stanja i bilans uspjeha za prethodnu godinu);

Uvjerena nesmiju biti starija od 3(tri) mjeseca računato od dana podnošenja zahtjeva, a kopije Uvjerena i drugih dokumenata moraju biti ovjerene.

## VII. OBRAZAC ZAHTJEVA

Obrazac zahtjeva je sastavni dio Javnog poziva.

## VIII. PREUZIMANJE JAVNOG POZIVA

Javni poziv sa Aplikacionim obrascima za projekte i zahtjeve kao i Program Ministarstva za privredu Bosansko-podrinjskog kantona Goraže mogu se preuzeti u prostorijama Ministarstva za privredu Bosansko-podrinjskog kantona Goražde, ulica Maršala Tita 13, kao i Službenoj internet stranici Vlade Bosansko-podrinjskog kantona Goražde **www.bpkgo.ba**.

## IX. TROŠKOVI PROGRAMA-PROJEKTA

U postupku javnog poziva Ministarstvo za privredu Bosansko-podrinjskog kantona Goražde ne snosi nikakve troškove učesnicima natjecanja, te zadržava pravo da projekt-program prihvati u cijelosti, djelomično ili ga potpuno odbije, poništi javni poziv ili odbaci sve projekte-programe u bilo koje vrijeme prije sklapanja Ugovora. Prispjela dokumentacija o programima -projektima se ne vraća.

## X. OSTALE ODREDBE

Sa kandidatima čiji se projekt-program prihvati, Ministarstvo za privredu će potpisati Ugovor o implementiranju dodijeljenih sredstava, kojim će biti preciziran način i dinamika korištenja odobrenih sredstava, te nadzor nad utroškom istih u namijenjene svrhe.

Sve dopunske informacije vezane za natječaj mogu se dobiti svakim radnim danom putem telefona broja 038/228-640 od 08,00 do 16,00 sati.

## XI. PODNOŠENJE PRIJAVA

Zahtjev sa programom – projektom i traženim priložima dostavlja se u zatvorenoj koverti na protokol Ministarstva za privredu na adresu:

**Ministarstvo za privredu Bosansko-podrinjskog kantona Goražde  
ul Višegradska 2a, Goražde 73000,**

**sa naznakom: Za Javni poziv za odabir korisnika sredstava po Programu “Program unaprijeđenje usluga javnih preduzeća” za 2017. godinu  
„NE OTVARAJ“**

Rok za dostavljanje ponuda je 20 dana od dana objavljivanja poziva na oglasnoj ploči Bosansko-podrinjskog kantona Goražde i sredstvima javnog informisanja.

Broj: \_\_\_\_\_  
Goražde, \_\_\_\_\_

**MINISTAR**

*Anes Salman*

